



Februar 2021-mi siunnersuut Nunalerineq pillugu Siunnersuisoqatigiinniit  
akuerineqartoq

## **Nunalerineq pillugu Siunnersuisoqatigiit sulinissaminnut tunngavissaat**

Nunalerineq pillugu Inatsisartut inatsisaani § 14a Nunalerineq pillugu  
Siunnersuisoqatigiinnik pilersitsinermit tunngasoq innersuussutigineqarpoq.

### **Siunnersuisutut ingerlasut**

15-02-2021  
Suliap normua: 2021 - 7  
All. nr. 15792185

Nunalerineq pillugu Siunnersuisoqatigiit apeqqutini nunalerinermut tunngassuteqartuni  
tassunga ilanngullugit apeqqutini uummasuuteqarnermut aamma uummasunut  
nujuitsunnagortitanut kiisalu naatitsisarnermut tunngatillugu Naalakkersuisunut  
siunnersuisartussatut inissisimapput. Siunnersuisoqatigiit apeqqutit nunalerinermut  
tunngassuteqartut Naalakkersuisunillu suliarineqaqqittariaqanngitsut  
oqallisigisarsinnaavaat.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: pan@nanoq.gl  
www.naalakkersuisut.gl

Nunalerineq pillugu Siunnersuisoqatigiit nunalerinermik inuussutissarsiuteqartunit  
assigiinngitsunit katitigaanera nammineerluni eqqortumillu sulisinnaalersitsivoq,  
Siunnersuisoqatigiillu suliani allani apeqqutit nunalerinermut tunngassuteqartut  
eqqartorneqartillugit ilisimasani tunniuttarsinnaallugit.

Nunalerineq pillugu Siunnersuisoqatigiit suleriaasissaminnik Nunalerinermut  
Naalakkersuisunit akuerineqartussamik suliaqassapput.

Nunalerineq pillugu Siunnersuisoqatigiit suliassanik aalajangersimasunik  
Naalakkersuisunit suliakkiutigineqartunik suliaqartarput.

Suliassat aalajangersimasut erseqqissumik allaaserineqarsimasut suliarineqassatillugit  
Nunalerineq pillugu Siunnersuisoqatigiit ataani ataatsimiititaliamik  
pilersitsisoqarsinnaavoq.

### **Inatsisit maleruagassanillu aalajanersaasarneq**

Nunalerineq pillugu Siunnersuisoqatigiit Kalaallit Nunaanni nunalerinerup  
aqunneqarnerata naleqqussarneqarnissaa pillugu Naalakkersuisunut  
oqaaseqaateqarsinnaapput.

Nunalerineq pillugu Siunnersuisoqatigiit nammineerlutik nutaamik iliuusissanik  
imaluunniit nunalerinermi inatsisinik atuuttunik allannguuteqartitsinissamut  
Naalakkersuisunut kaammattuisinnaavoq.

## **Apeqqutit aningaasaqarnermut tunngasut tassunga ilanngullugu aningaasanut inatsit**

Paasissutissanik katersinikkut suliaqarnikkullu Nunalerineq pillugu Siunnersuisoqatigiit nunalerinermi aningaasarsiornikkut ineriartorneq malinnaaffigissavaat. Nunalerineq pillugu Siunnersuisoqatigiit suliassaq taanna nammineq isumagisinnaavaat aallartisarsinnaalluguluunniit.

Nunalerineq pillugu Siunnersuisoqatigiit tassunga tunngatillugu inuussutissarsiut ataatsimut isigalugu aningaasarsiorneq naammaginantumik ineriartortissinnaajumallugu siuarsaanissamut siunnersuutitik saqqummiussisinnaavoq.

Aningaasanut inatsimmi nunalerinermut tapiissutaasartut agguataarneqarnissaannut Nunalerineq pillugu Siunnersuisoqatigiit siunnersuuteqarsinnaapput.

## **Nunalerinermik inuussutissarsiutip ineriartortinneqarnera kiisalu inuussutissarsiummut tunngatillugu periusissiat**

Nunalerinermi tamakkiisumik periusissiaq naapertorlugu inuussutissarsiummi pisariaqartitat tamakkiisumik nalilersuiffigereernerisigut nunalerinermik inuussutissarsiutip ineriartortinneqarnissaanut pingaarnersiulluni tulleriarinerit eqqarsaatigalugit Nunalerineq pillugu Siunnersuisoqatigiit Naalakkersuisunut siunnersuisassapput.

## **Apeqqutit avatangiisinut tunngassuteqartut**

Nunalerineq pillugu Siunnersuisoqatigiit paasissutissanik katersinikkut suliaqarnikkullu avatangiisit nunalerinermut attuumassutillit ineriartornerat malinnaaffigissavaat. Nunalerineq pillugu Siunnersuisoqatigiit suliassaq taanna nammineq isumagisinnaavaat aallartisarsinnaalluguluunniit.

Tamanna tunngavigalugu inuussutissarsiutip avatangiisillu ajunngitsumik ineriartortinnissaat siuarsarniarlugu taamaaliornikkullu equngasumik ineriartortitsisoqarsinnaanera piffissaagallartillugu pinngitsoortinniarlugu Nunalerineq pillugu Siunnersuisoqatigiit Naalakkersuisunut siunnersuuteqarsinnaapput.

## **Nunalerinermik Siunnersorteqarfik**

Nunalerineq pillugu Siunnersuisoqatigiit Nunalerinermut Siunnersorteqarfimmi aqutsisutut inissisimapput.

Nunalerineq pillugu Siunnersuisoqatigiit nunalerinermut tunngatillugu siunnersuisarnerit misileraasarnerillu eqqarsaatigalugit anguniagassat pillugit Nunalerinermut Naalakkersuisoq isumaqatigiissuteqarsinnaapput.

Nunalerinermik Siunnersorteqarfiup suliassaminik tulleriarisimanera anguniagassatullu isumaqatigiissutit atuuttut naapertorlugit pisussaaffiminik naammassinnissimanersoq kiisalu nunalerineq pillugu Naalakkersuisut periusissiaat tamakkiisoq naapertorlugu sulinerat Nunalerineq pillugu Siunnersuisoqatigiit nakkutigisassaraat.

### **Upernaviarsummi misileraavik kiisalu misileraalluni suliassat ilisimatusarnissallu pingaarnersiorlugit tulleriarneqartarneri**

Nunalerineq pillugu Siunnersuisoqatigiit Upernaviarsummi misileraavimmi aqutsisutut inissisimapput. Nunalerineq pillugu Siunnersuisoqatigiit Savaatillit Peqatigiit Suleqatigiissut suleqatigalugit misileraanermut ataatsimiititaliamik siunnersuisartutut inissisimasussamik pilersitsissapput, taakkulu misileraavimmi suliassat pilersaarusiormerani siunnersortitut atuutissapput.

Misileraanermut ataatsimiititaliaq Nunalerineq pillugu Siunnersuisoqatigiinniit marlunnik ilaasortaqqarpoq aamma Savaatillit Peqatigiit Suleqatigiissut siulersuisuaniit ilaasortaqqataaseq. Misileraanermut ataatsimiititaliaq nammineq ataatsimiititaliamut siulittaasussaminnik toqqaassapput.

Upernaviarsummi misileraaviup suliassaminik tulleriarisimanera kiisalu nunalerineq pillugu Naalakkersuisut periusissiaat tamakkiisoq naapertorlugu sulinerat Nunalerineq pillugu Siunnersuisoqatigiit ilutigalugu nakkutigisassaraat.

### **Upernaviarsummi Nunalerinermik ilinniarfik**

Upernaviarsummi Nunalerinermik ilinniarfiup Ilinniartitaanermut Naalakkersuisoqarfik peqatigalugu inatsisit atuuttut naapertorlugit ingerlanneqarnera aammalu nunalerinermik inuussutissarsiortut pisariaqartitaat naapertorlugu ilinniartitaanerit pitsaassusissiaat ingerlanneqarnerisooq Nunalerineq pillugu Siunnersuisoqatigiit nakkutigisassaraat.

Nunalerineq pillugu Siunnersuisoqatigiit Qaqortumi 12. februar 2021 46-issaanik ataatsimiinnerat

Naalakkersuisut sinnerlugit:

Nunalerinermi siunnersuisoqatigiit:

Kalistat Lund

Natuk Lund Olsen

\_\_\_\_\_, den \_\_\_\_ 2021

\_\_\_\_\_, den \_\_\_\_\_ 2021